

ՄԵՂԱՅ ԱՍՏՈՒԾՈՅ

**ՀԱՐՑՈՒՄ ՊԱՏԱՍԽԱՆ Ս. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ**

7) Ի՞նչ կ'ըսեն ընդհանրական եւ հայոց եկեղեցիներու հայրերն ու վարդապետները վերստին ծնելու մասին:

Քրիստոսի եկեղեցւոյ սրբակենցաղ հայրերէն Ս. Յովհաննէս Ոսկեբերանը (347-407) Յովհաննէս աւետարանի մեկնութեան համապատասխան հատուածին մէջ կ'ըսէ. «Լսեցէ՛ք ամէնքդ, որ առանց մկրտութեան էք, զարհուրեցէ՛ք եւ ախ քաշեցէ՛ք: Ահաւոր է սպառնալիքը, ահաւոր է նաեւ վճիռը, որովհետեւ հնար չկայ: Ով որ չձնի ջուրէն եւ հոգիէն չի կրնար երկինքի արքայութիւնը մտնել»: Քանզի ան, որ չէ հազած անէծքներու եւ ապականութեան մահուան զգեստը, չէ կրած տէրունական նշանը, օտար եւ անցողական է: Քանզի արքունական մատանին չունի եւ եթէ յանկարծակի մահը հասնի եւ առանց լոյսի (մկրտութեան) այստեղէն մեկնի, նոյնիսկ եթէ բիւր բարիքներ ունենայ, ուրիշ բան չսպասեր իրեն եթէ ոչ գեհենի անշէջ հուրը եւ անլուծելի կապանքները: Թող ոչ ոքի պատահի այս տանջանքները, իսկ անոնցմէ ազատելու միակ միջոցը Ս. խորհուրդին արժանանալն է:

Մեր հաւատքի հայր, Ս. Գրիգոր Լուսաւորիչի վերագրուող «Յաճախապատում»-ի երկրորդ ճառին մէջ, որ Ս. երրորդութեան անձերու մասին է, Ս. աւագանէն վերստին ծննդեան ակնարկելով կ'ըսուի.

**ԱՂԱՆԴԱԴՈՐԱԿԱՆ ՇԱՐԺՈՒՄՆԵՐ**

**ԲԱՍԸԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ 5 - ՄԱՐԴԸ ԵՒ ՀՈԳԻՆ**

Քրիստոսի օրով ալ կային Սաղուկեցիները, որոնք չէին հաւատար հոգիի գոյութեան, ինչպէս նաեւ՝ մեռելներու յարութեան (տե՛ս Գրծ. 23.8): Յիսուս լաւ պատասխան տուաւ անոնց, երբ օր մը գինի փորձելու համար եկան եւ մեռելներու յարութեան կապակցութեամբ հարցում մը ըրին: Առիթէն օգտուելով, Քրիստոս տուաւ պատասխան մը՝ որ ինքնին կ'ենթադրէր հոգիին անմահութիւնը. «Անոր համար չէ՞ որ մոլորած էք, քանի ո՛չ Գիրքը գիտէք եւ ո՛չ Աստուծոյ զօրութիւնը... Մեռելներուն համար՝ թէ յարութիւն կ'առնեն: Մովսէսի գիրքին մէջ չէ՞ք կարդացեր մորեմիին կապակցութեամբ, ինչպէ՛ս Աստուած անոր խօսեցաւ ըսելով. “Ես եմ Աքրահամի, Իսահակի եւ Յակոբի Աստուածը”: ԱՆԻԿԱ ՄԵՌԵԼՆԵՐՈՒՆ ԱՍՏՈՒԱԾԸ ԶԷ, ԱՅԼ՝ ԿԵՆԴԱՆԻՆԵՐՈՒՆ. ուրեմն դուք իսկո՞ք մոլորած էք» (Մր. 12.24. Մտթ. 22.31: Ղուկ. 20.37-38): Շատ յատկանշական է, որ ըստ Ղուկասի Աւետարանին, այդ խօսքէն անմիջապէս ետք Քրիստոս կ'աւելցնէ. «ՈՐՈՎՀԵՏՏԵՒ ԱՄԷՆՔԸ ԱՆՈՐ ՀԱՄԱՐ ԿԵՆԴԱՆԻ ԵՆ» (Ղուկ. 20.38):

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

**ՀԱՍՅԷ.**

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak ճրագ թերթ

ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ



ԲՈՒ ԽՕՍԲԵՂ ԽՄ ՈՏԹԵՐՈՒՄ ԵՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 20 ՄԱՅԻՍ 2018 ԹԻԻ 20

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄԵՐ Գրծ. 2.1-21  
ՅԻՍՈՒՄ ԲՐԻՍՏՈՍԻ ԱԵՏԱՐԱՆԸ ԸՍՏ ՅՈՎՅԱՆՈՒ 14.25-31

**ՀՈԳԵԳԱԼՈՒՍ (ՊԵՆՏԵԿՈՍԷ)**

Այս բոլորը խօսեցայ ձեզի, քանի տակալին ձեզի հետ եմ: Բայց Միսիթարիչը՝ Սուրբ Հոգին, որ Հայրը ձեզի պիտի դրկէ իմ անունովս, ան ձեզի ամէն ինչ պիտի սորվեցնէ եւ յիշեցնէ ինչ՝ որ ես ձեզի ըսի: Խաղաղութիւն կը թողում ձեզի. իմ խաղաղութիւնս է որ կու տամ ձեզի, որ այս աշխարհի տուած խաղաղութենէն տարբեր է: Մի՛ խոռվիք եւ մի՛ վախնաք: Լսեցէ՛ք ինչ որ ըսի ձեզի, թէ «Ահա կ'երթամ, բայց կրկին պիտի գամ ձեզի»: Եթէ զիս կը սիրէք ուրախ պիտի ըլլաք, որ Հօրս կ'երթամ, որովհետեւ Հայրս ինձմէ մեծ է: Այս բոլորը ձեզի ըսի նախ քան պատահիլը, որպէսզի երբ պատահի՝ այն ատեն հաւատաք: Այլեւս երկար պիտի չխօսիմ ձեզի, որովհետեւ ահա կու գայ այս աշխարհի իշխանը, որ իմ վրաս ոչ մէկ իշխանութիւն չունի: Բայց աշխարհը պէտք է գիտնայ, թէ ես Հայրը կը սիրեմ եւ այդ է պատճառը՝ որ ինձի բոլոր պատուիրածները կը կատարեմ: Ելէ՛ք, երթանք այստեղէն:

**Մի՛ խոռվիք եւ մի՛ վախնաք**

Քրիստոս յանախ իր աշակերտներուն կը փառաբանէր ըսելով մի՛ վախնաք, որովհետեւ վախը խաւարի որդիներուն կը պատկանի: Անոնք, որոնք Քրիստոսի լոյսը զգացած են վախը գոյութիւն չ'ունենար անոնց կեանքին մէջ: Եւ ահա այսօր Հոգեգալուստի տօնին առիթով Քրիստոս կու գայ աւետարանի նամբով յիշեցնելու բոլոր այն հաւատացեալներուն, որոնք Քրիստոսը ունին իրենց կեանքին մէջ թէ պէտք է միշտ փառաբար ապրին իրենց կեանքը: Միշտ յիշեմք սաղմոսասացի խօսքը, որ կ'ըսէ. «Տէրն է իմ լոյսս եւ փրկութիւնս, որմէ՞ պիտի վախնամ ես. Տէրն է իմ կեանքիս ապաւենը, որմէ՞ պիտի դողամ ես: (Սաղմոս 27. 1):



Քրիստոսի Յարութենէն 50 օր ետք, երբ Երուսաղէմի մէջ մեծ թիւով ժողովուրդ հաւաքուած էր Պենտեկոստէի առթիւ, առաքեալները Տիրոջ պատուէրին համաձայն Վերնատուն հաւաքուեցան: Անոնք մէկ սիրտ դարձած կ'աղօթէին՝ սպասելով Ս. Հոգիին գալուստը, ինչպէս Յիսուս խոստացած էր: Յանկարծ սաստիկ հովի ձայն մը հնչեց երկինքէն եւ լեցուց ամբողջ տունը: Յետոյ անոնք տեսան հրեղէն լեզուներ, որոնք տարածուեցան եւ հանգչեցան իւրաքանչիւրին վրայ: Բոլոր ներկաները Ս. Հոգիով լեցուեցան եւ սկսան տարբեր լեզուներով խօսիլ, ինչպէս որ Հոգին խօսիլ կու տար:

Առաքեալները զօրանալով սկսան քարոզել ու վկայել Յիսուսի մասին: Աշխարհի տարբեր ժողովուրդներ, որոնք Երուսաղէմ հաւաքուած էին անակնկալի եկան, որովհետեւ կը լսէին, թէ ինչպէս անոնցմէ իւրաքանչիւրը իրենց սեփական լեզուով կը խօսի: Պետրոս առաքեալի ֆառէն ետք, 3000 հոգի դարձի եկան եւ մկրտուեցան Յիսուս Քրիստոսի անունով:

Ս. Հոգեգալուստը եղաւ Հրեաներու Չատիկէն 50 օր ետք՝ Պենտեկոստէին, երբ Մովսէս մարգարէին միջոցաւ Աստուած հրեաներուն պարգեւեց Տասնարանեան:

ՀԱՐՅՈՒՄ ՊԱՏԱՍԽԱՆ ԲԱԺԻՆ

ՈՐԵԷ ՊԱՏԱՅԱԿԱՆ ԱՆՁ

ԿՐՆԱ՞Յ ԱՂՕԹԵԼ ՄԵՐ ԿՐԱՅ:

Ո՛չ: Ամէն մարդ՝ ամէն մարդու համար կրնայ աղօթել, բայց ամէն մարդ՝ ամէն մարդու վրայ չի կրնար աղօթել: Որպէսզի կարենանք մարդու մը վրայ աղօթել կա՛մ պէտք է եկեղեցական կարգ ունենայ եւ կա՛մ պէտք է յատուկ կերպով Աստուծոյ կողմէ կանչուած եւ կոչում ստացած ըլլանք: Աստուծոյ կողմէ կանչուած մարդը՝ «աղօթքի հոգի» պէտք է ունենայ: Իսկ «Աղօթքի հոգի»-ն Աստուծոյ հոգին է որ կը պարգեւէ:

Չափարիա 12.10-ին մէջ կը խօսի «աղօթքի հոգի»-ին մասին: Երբ կ'ըսենք, թէ այսինչ մարդը Սուրբ Հոգիին կողմէ իրեն տրուած «աղօթքի հոգի» ունի, չենք հասկնար որ ան պարզապէս Սուրբ Հոգիով լիացած ու մկրտուած անձ մըն է, այլ՝ կը հասկանանք որ ան Սուրբ Հոգիին օժտութիւնը ունեցող մըն է, որ աղօթելու պարգեւը ունի, եւ կըրնայ աղօթել հիւանդի մը վրայ եւ բժշկել զինք: Հարկաւ միայն հիւանդի մը վրայ չէ որ կրնայ աղօթել, այլ կրնայ աղօթել ոեւէ անձի վրայ եւ յայտնել անոր Աստուծոյ կամքը իր անձին վերաբերեալ եւ Աստուծոյ պահանջուածը իրմէ: «Աղօթքի Հոգի» ունեցող մարդուն, Աստուած կը յայտնէ որոշ իրականութիւններ որոշ անձերու մասին, որոշ նպատակով մը: Յակոբոս առաքեալ կ'ըսէ. «Մէկը հիւանդացա՞ւ թող կանչէ եկեղեցւոյ երէցները, որպէզի իր վրայ աղօթեն եւ իւղով օծեն զինք, Տիրոջ անունով» (Յկ. 5.14):

Կրնայ սորբութեան եւ արդարութեան կեանք ապրող մարդ մը, նաեւ իր ձեռքը դնել մեր գլխուն վրայ եւ աղօթել մեզի համար:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՍՐԲՈՒԹԻՒՆԸ ԵՒ ՈՂՈՐՄՈՒԹԻՒՆԸ՝ ԳԻՆ ԱՐՔԱՅՈՒԹԵԱՆ

Շատ դիւրին է սատանային հետ կռուիլ, ինչպէս լոյսը խաւարին հետ կը պայքարի եւ բարին՝ չարին հետ: Սատանան խաւար է ու չարութիւն: Եթէ մենք լոյս ըլլանք եւ բարի, կը հալածենք զայն, ինչպէս լոյսը կը հալածէ խաւարը, եւ բարին՝ չարը: Իսկ եթէ մենք ալ խաւար ըլլանք, այսինքն չար, ան կ'որսայ մեզ եւ խառնուելով կը միանանք իրեն: Որպէսզի չպատահի ասիկա, միշտ գոհութիւն յայտնենք Աստուծոյ, ինչպէս «Երկինքը կը պատմէ Աստուծոյ փառքը»: Երկինքը ո՛չ թէ ձայնով կը փառաւորէ զԱստուած, այլ՝ իր կերպարանով ուրիշները օրհնութեան կը մղէ: Նմանապէս, անոնք որոնք բարիք կը գործեն, անոնց պատճառաւ ուրիշները զԱստուած կը փառաւորեն:

Երբ շատերը կը խրատեն, ո՛չ թէ երկինքը օրհնակ կը բերեն, այլ՝ մարդիկ, որոնք գազաններէն աւելի չար էին եւ յետոյ հրեշտակներու հաւասար եղան եւ այս ձեւով բազմաթիւ չարեր բարի կ'ընեն: Եթէ երկինքը այսքան ժամանակ տեսնելով այդ բոլորը, չի կրնար չար մէկը բարի ընել, մինչ մարդը կը յաջողի իր նմանը բարի դարձնել, կը նշանակէ թէ մարդս շատ աւելի գեղեցիկ է քան՝ երկինքը ու բոլոր զարդերը: Հետեւաբար, եթէ անոնցմէ աւելի վար գտնուիք, ի՞նչպէս կրնանք արքայութեան արժանի ըլլալ, երբ ամէնքս ալ մեր գործերով ու խօսքերով միշտ կ'անարգենք զԱստուած, գոր անոնք կը փառաւորեն:

Ան որ բերանը, ականջը կամ մարմինն անդամներէն որեւէ մէկը անարգէ, այդ անարգանքը կ'երթայ Քրիստոսի:

ՀՈԳԵՒՈՐ ԽՈՐՀՐԴԱՏՈՒ

Ի՞ՆՉ Է ԱՍԷՆԷՆ ՍԻՐԱԾ ԲԱՆԴ

Մէկը ըսաւ. «Հարցուցի աշակերտի մը թէ ի՞նչն է այն բանը, որ ամէնէն շատ կը ցանկայ: Ան պատասխանեց. «Գիրքեր»: Նոյն հարցումը հարցուցի կծծի մէկու մը, եւ ան պատասխանեց. «Դրամ»: Հարցուցի մուրացկանի մը, եւ ան ըսաւ. «Հաց»: Հարցուցի զինեմովի մը որ ըսաւ. «Գինի»: Հարցուցի շատ մը ուրիշներու. ոմանք ըսին՝ հարստութիւն, ուրիշներ՝ փառք, ուրիշներ՝ առողջութիւն: Սիրելի՛ ընթերցող, նոյն հարցումը քեզի կ'ուղղեմ, ի՞նչ կը սիրես ամէնէն շատ: Կը սիրե՞ս ապրիլ Քրիստոսի մէջ: Կը սիրե՞ս նմանիլ Քրիստոսի: Ոմանք իրենց փորը կը սիրեն, իսկ դուն Կենաց Հացը սիրէ: Ոմանք իրենց տունները կը սիրեն, իսկ դուն երկինքը սիրէ: Ոմանք հագուստներ կը սիրեն, իսկ դուն «լաւագոյն պատմունքանին» ու «ճերմակ պարեգօտին» ցանկայ:

ՈՍԿԵՂԷՆ ԽՕՍԸ

Սիրալիր պատասխանը գայրոյթը կը մեղմացնէ, իսկ խիստ խօսքը բարկութիւնը կը գրգռէ: Իմաստուններուն լեզուին հարագատ է բարի խօսքը, անգգամներու բերնէն միայն չարիք կը բխի: Ամէն տեղ Տիրոջ աչքերը կը տեսնեն ե՛ւ բարիները ե՛ւ չարերը: Այն լեզուն, որ բժշկութիւն կը բերէ՝ կեանքի ծառ է: Ան որ գիտէ տէր ըլլալ անոր՝ հոգեպէս պիտի յագեցնայ: Անգգամը իր հօրը խրատը կ'անարգէ, իսկ ան որ յանդիմանութեան կը հանդուրժէ՝ խոհեմ է: Երբ արդարութիւն տիրէ, ամէն ինչ կը բարգաւառի, իսկ ամբարիշտները արմատախիլ պիտի ըլլան: ԱՌԱՎ 15